



Members of the Board:
Beth Albiani
Nancy Chaires Espinoza
Carmine S. Forcina
Chet Madison, Sr.
Dr. Crystal Martinez-Alire
Anthony "Tony" Perez
Bobbie Singh-Allen

Mark Cerutti
Deputy Superintendent
Education Services & Schools

(916) 686-7784
FAX: (916) 686-7749
mcerutti@egusd.net

9510 Elk Grove-Florin Road, Elk Grove, California 95624

4 Hlis Ntuj Tim 10, Xyoo 2020

Kev Pab Distance Learning rau cov Tub Ntxhais Kawm uas muaj Kev Tsis Taus (Disabilities) rau lub sijhawm Tsev Kawm Ntawv Kaw Pab Kom Txhob Kis tus Kab Mob COVID-19 (Coronavirus)

Thaum peb sau daim ntawv no, peb vam tias koj yuav muaj kev noj qab nyob zoo rau lub sijhawm uas muaj kev cov nyom no. Peb yeej tau xav txog koj ntau zaus rau ob peb lub asthiv uas dhau los no rau lub sijhawm uas peb ziv zog tawm tswv yim los nrhiav ib txoj hauv kev los muab ib qhov kev kawm rau tag nrho peb cov tub ntxhais kawm.

Ua ib tus niam txiv/neeg saib xyuas ntawm ib tus menyuam uas muaj kev tsis taus, peb xav qhia txog tias peb yuav muaj kev qhia ntawv thiab kev txhawb lincas rau koj thiab koj tus menyuam lub sijhawm uas peb cov tsev kawm ntawv thiab cov kev pab cuam no kaw tib si vim tus kab mob COVID-19 no uas muaj thoob plaws lub ntiav teb no. Cov hnuv uas yuav muaj tom ntej no, koj tus menyuam yuav tau txais ib qhov kev kawm tshwj xeeb. Thov to taub tias qhov no tsis yog ib qhov kev muab uas muaj feem nrog FAPE los yog ib qhov kev hloov pauv uas yuav muab FAPE uas tau muaj ua ntej cov tsev kawm ntawv kaw. Qhov no tsuas yog ib qhov tswv yim rau lub Koog Tsev Kawm Ntawv uas lawv yuav muab tau qhov kev kawm ntawv tshwj xeeb no rau koj tus menyuam rau lub sijhawm tsev kawm ntawv kaw xwb. Thaum muaj kev nyab xeev rau cov tub ntxhais kawm rov tuaj kawm ntawv lawm, koj tus menyuam qhov IEP yuav rov muaj zoo li qhov qub uas nws yeej tau txais ua ntej tsev kawm ntawv kaw, los sis yog peb tau kev tso cai los ntawm koj los mus tsim dua ib qhov IEP tshiab los ntawm kev sab laj ib xyoos ntsib ib zaug los yog peb xyoos ntsib ib zaug.

Cov neeg ua haujlwm ntawm lub Koog Tsev Kawm Ntawv yuav muaj kev sib txuas lus ua ntu zus thiab yuav tham nrog koj txog koj tus menyuam cov kev toob kas thiab pab nrhiav kev txhawb nqa rau koj tus menyuam kom nws tau txais qhov kev kawm Distance Learning. Peb yuav siv ob peb qhov kev ua uas zoo rau koj tus menyuam. Koj yog ib tus neeg tseem ceeb ntawm peb qhov kev sib tham sib txuas lus thiab qhov kev muab tswv yim no rau koj tus menyuam lub sijhawm koj tus menyuam nyob hauv tsev. Peb xav kom qhov no yog ib qhov kev sib txuas lus nrog koj ua ntu zus, thiab ib qhov uas tej zaum yuav tau muaj kev kho, nrog koj cov tswv yim, rau lub sijhawm uas tseem yuav ua no.

Peb thawj qhov kauj ruam ces yog kom paub tseeb tias koj thiab koj tus menyuam muaj technology siv es koj thiaj li yuav pab tau peb tawm tswv yim los muab tau kev pab no rau koj tus menyuam. Peb twb tau muab cov Chromebooks rau tej cov tsev kawm ntawv lawm. Yog tias koj muaj kev txhawj xeeb tias koj tsis muaj technology siv rau qhov kev kawm Distance Learning, thov qhia rau peb paub. Peb yuav pab koj thiab nrhiav kom tau kev pab rau koj tus menyuam.

Txuas ntxiv, koj tus menyuam tus xibfwb, thiab/los yog tej tus neeg uas yuav muab tau kev pab yuav hu tiv tauj rau koj, los tham txog seb qhov IEP uas sau tseg lub sijhawm nej sib ntsib tag los no yuav muab coj los qhia tau licas rau qhov kev Distance Learning. Txawm tias peb yuav muab tau kev pab zoo npaum li cas los, lub sijhawm tsev kawm ntawv kaw vim muaj kab mob COVID-19, tej yam kev txhawb los yog kev pab no yuav muaj muab tsis tau vim tsis pub muaj kev nyob sib ze. Tej zaum yuav muaj kev pab los yog kev pab cuam nyob rau hauv koj tus menyuam qhov IEP uas yuav muab tsis tau thiab vim peb qhov peev xwm, tiam sis peb yuav nrhiav kev los pab ua ntu zus kom peb qhov kev qhia ntawv kev pab cuam no ua tau zoo npaum li zoo tau. Peb cia siab tias cov kev pab thiab kev pab cuam no yuav raug hloov pauv ua ntu zus thiab peb yeej yuav toob kas koj txoj kev koom tes txog ntawm koj tus menyuam qhov kev kawm nrog kev pab cuam Distance Learning.

Ua tsaug rau koj txoj kev nkag siab thiab kev ua siab loj uas peb yuav muaj kev koom tes los muab ib qhov kev qhia ntawv uas zoo rau peb cov tub ntxhais kawm rau lub sijhawm uas muaj kev cov nyom no.

Mark Cerutti
Deputy Superintendent
Education Service and Schools